

etiam aliud mererentur nomen illo dignius ; sed perinde sit quo-  
modo vocentur , sufficit , qvod si legititimo le habeant modo , pro-  
sint sanitati . Aer itaqve si existat purus , nullis inqvinamentis re-  
fertus , temperatus , & particulis subtilioribus balsamicis justo te-  
nore motis imprægnatus , saluberrimus est & medicamento sus , ide-  
oqve corrigit & attenuat . Inter Cibum & Potum ea qvæ tenui-  
orum sunt partium commendamus , qvæ facilioris sunt conco-  
ctionis & Volatilisari queunt , ad Exemplum Conditorum , Aromati-  
zantium & qvæ balsamicarum sunt Virtutum . Potum bene coctum ,  
limpidum , & subtiliores spirantem particulas , Vinum etiam ex  
uvis maturatis haud dissimilamus . Somnum & Vigilias , Motum  
& quietem qvod concernit , sicut laedere , ita & proficere possunt ,  
si Legi naturæ accommodentur , somnus tamen & Qvies ratione  
Viscidi magis qvam Vigiliæ & motus vitentur ; Excreta & Retenta  
naturalem suum habeant Terminum , & punctum Excretionis ordi-  
narium attendatur ; Animus non facile turbetur , ad contrarium  
terum Eventum non moveatur , ita se gerat , ut in firmo & constanti  
*si proposicio ea omnia faciendi , qvæ fana ratio ipfi suadet , nec passionibus suis  
aut appetitibus ab hoc abduci se permittat , ad monitum Perspicacissimi  
Cartelii Epistol. part. I. Epist. 4. cum qvo & Dissertationi huic , qvæ  
non nisi distractis meditationibus ob nimiam temporis angu-*  
stiam delineari verius , qvam elaborari potuit , colo-  
phonem imponimus , canentes .

## SUMMO MEDICO JESU CHRISTO GLORIAM.

